



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Statv Religionis Christianae, Per Evropam, Asiam,  
Africanam, Et Orbem Nouum, Libri IV.**

**Le Mire, Aubert**

**Coloniae Agrippinae, 1619**

Cap. XVI. Hispaniarum status.

**urn:nbn:de:hbz:466:1-11108**



quitum Ioannitarum seu Rhodiorum: de quibus vide Origines nostras Equestres. In insula vrbs est, quæ Episcopum habet, Panormitano in Sicilia Archiepiscopo suffraganeum.

In eadem vrbe Societas Iesu insigne possidet Collegium.

Melitenses porrò Equites perpetuum contra Turcas bellum alunt, & triremibus aliquot egregè instructis Christiani nominis hostes assiduè laceffunt. De rebus præclarè gestis per Ioannitas, insigne volumen post alios annis superioribus Bosius publicauit.

## CAPVT XVI.

## HISPANIARVM STATVS.

**H**ispania prima à Romanis tēata quidem, sed vltima prouinciarum subacta, eisdem vsque ad annum salutis quadringentesimum decimum paruit. Quo tēpore, cum Imperiū iam declinaret, VVandali, Sueui, & Alani, à Gothis ex Gallia pulsī, montes Pyrenæos transierunt, & Hispaniam Romanis ereptam multis annis tenuerunt. Sed Gothi à Francis ex Gallia eiectioni, vicissim VVádalos & Alanos eiecerūt, Sueuos autem ad internecionem ceciderunt.

Hispania itaque longo tempore Gothis paruit, à quibus hodieque præcipuæ inter  
Hispa-



Hispanos nobilium familię Originem suam repetunt. Tandem à Saracenis, fretum Herculeum transgressis, miserabili casu occupata est anno Christi 720. Iuliano Comite Beticam, cui præfectus erat, prodente, vt 720. iniuriam violatâ filia à Roderico Rege acceptam vlcisceretur.

Gothi qui superfuerunt, cum in Asturū, Cantabrorum & Gallæcorum montes se recepissent, paulatim amissas regiones atque vrbes recuperare ceperūt: & postremò cum Maurorū res vix Beticę finibus cōtinerentur, à Ferdinando Magno Rege Catholico victi, atq; vniuersâ Hispaniâ an 1592. expulsi sunt. Quo quidem anno, & Orbem Nouū 1592. Hispanis Christophorus Colūbus aperuit: ex quo infinitæ opes ac thesauri in Hispaniam sunt aduecti.

Auxerunt & Hispanorū potentiam, tot regnorum ac prouinciarum hæreditates, in Ferdinando Aragonio, & Isabella Castellana, itēque in Philippo I. Austriaco, & Ioāna Aragonia, coniunctæ. Nam Philippo natus Carolus, post Imperator eo nomine Quintus, à patre Austriacarū ac Belgicarū prouinciarū; à matre verò Hispaniæ, maioris Italiæ partis, & Indiæ Occidentalis seu Orbis Noui hæreditatem accepit.

Hispaniæ reliquæ Lusitaniam, & Indiæ Occidentali Orientalem Philippus II. Rex Catho-

Catho-



Catholicus, Caroli filius, adiecit. Quæ regna vniuersa, tot locorum interuallis disita, feliciter hodie Philippus III. Rex omnium verè maximus possidet. Vt inter vniuersas Regum Principumque orbis terræ familias, Austriaca omnium potentissima meritò sit censenda.

Et verò cùm Euangelicam Christi doctrinam in omnes terras, ante sæculorum consummationem, diffundi oporteat, Deus ad hoc potentiæ culmen Austriacos Principes euexit, & in Hispania, vltima Europæ ad Occidentem prouincia, noui velut Imperij sedem collocauit; vt essent, qui tam longinquas ac difficiles nauigationes, ad Antipodas, & alio sole calentes Indos, suis opibus ac viribus freti, commodiùs diffunderent.

## CAPVT XVII.

## S E R I E S E P I S C O P A T V V M H I S P A N I A E vniuersæ.

**I**N Hispaniarum regnis, XI. hodie sedes Metropolitanæ numerantur, Tolitana, Burgenfis, Compostellana, Hispalensis, Granatensis, Cæsaraugustana, Tarraconensis, Valentina, Bracarenfis, Orlisiponenfis, & Eborensis.

T O